

بِسْمِ اللَّهِ الرَّحْمَنِ الرَّحِيمِ



Khutba Jummah

Hazrat Khalifatullah Munir. A. Azim (atba)

13 Décembre 2019

16 Rabi'ul Aakhir 1441 AH

Après ki li fine salué tous so bane disciples (et tous bane Musulmans) entier le monde avec le *Salaam* - la Salutation de paix dans l'Islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lors :

HADITHS LOR LE GHIBBAT... (PARTIE 3)

La semaine dernière mo fine raconte zot mo propre l'expérience et donne l'exemple lors bane ki sincères dans zot contentement et envie faire bane travaux pareil et sa c'est pas la jalousie. Et aussi mo fine explique à propos bane ki jaloux en citant ene Hadith de Nabi Kareem (saws) ki trouve dans Muslim et Bukhari *Kitab-ul-Adab* et rapporter par Hazrat Abu Huraira (ra).

Donc si ene dimoune ena sa contentement là, bé tout en remerciant Allah (swt) ou bizin tire l'avantage de sa contentement là, et l'avantage ki fine mentionner là c'est ki ou bizin rivaliser avec les autres dans bane bon actions, dans bane bon travaux. Et c'est en résultat de sa l'envie ki sa crée là ki fine dire ki si ou trouve kit bien dans quelqu'un bé essaye dépasse li dans sa bon action là. Sa li pas défanne, mais jalousie c'est ki ou rode change so bane beautés en bane mals, bane mauvais actions. Aucaine part pas fine montrer ki la nature humaines li mauvais. Non ! Parceki sa c'est la création d'Allah. Si l'homme (humain) conne servi li bien d'après contexte, c'est sa même ki appelle bane qualités hautes et excellents, bane qualités admirables, et bon actions.

Donc ena le désire pour dépasse ene dimoune, mais faudrait ki ou faire sa en le dépassant dans bane *Nékis* (bons actions), mais faudrait pas ou faire sa en changeant so bane bon qualités en bane mauvaises qualités, ou sois ou rode bane tel défauts dans li ki li péna même, ou soi ou rode so bane faiblesses ki li ena et ou propage sa partout. Bé lèrlà tous céki ou pou faire, ou pou faire li par jalousie et Quran pas donne sa permission là.

Ensuite fine dire pas développe l'ennementé, et pareil couma mo fine dire ouvertement ki c'est à cause de certaine animosité ki la jalousie crée. Et sa c'est kan ene dimoune ena bane bon qualités ou sois Allah fine donne li certaine choses kot sa faire ou gagne la peine, bé en résultat de sa ou développe la jalousie, mais plus précisément c'est l'ennementé ki faire ou gagne sa jalousie là. À ce moment là, ene dimoune li pas le frère de sa lot dimoune là, même si li appelle li frère, mais dans so le cœur pas pou ena sa l'amour ki bizin ena pour ene frère. À la base même ena certaine animosité. Donc, toute suite fine dire pas bizin ena la jalousie et pas bizin ena l'ennementé, parceki dans la psychologie humaine péna personne ki pli grand expert ki Hazrat Muhammad (saws) ; zamais fine ena et zamais pas pou ena aussi. Ou profondément étonner pour constater ki couma dans so bane tipti conseils ena bane points bien profond de la psychologie humaine. Sa c'est bane points ki Hazrat Muhammad (saws) pé envie expliquer et nous bizin bien comprend sa. Faudrait ki tous bane *banda* Allah vivre comme bane frères pareil couma Allah fine demander. Ensuite fine dire ki bane musulmans zot couma bane frères et personne faudé pas commette aucaine injustice ni faire aucaine dominaire entre zot. Mais aujourd'hui jour ki nous trouver?

Nous trouver ki bane frères pé faire dominaire, bane injustices contre zot propre frères même. Bien souvent ou trouve ene frère fine commette bane injustices lors so propre frère kot li fine prend contrôle lors dibien et li pas pé mentionne pou partager ditout et si li ena ene supériorité dans quique branche, bé li pas ouler mette so frère là-dans, li humilier et abaisse li et en résultat de sa beaucoup bane relation gêter et pas gagne sa l'unité et l'uniformité ki ti bizin ena dans l'Islam pou nous faire progrès, et li malheureux ki dans l'Islam, nous reste priver de sa l'unité là.

Donc sa ti zaffaire la ena sitant de bane mauvais résultats ki li cause du tort à tout le monde en entier. Mo fine analyse sa en général, ki li au niveau la religion l'islam dans so l'ensemble et même au niveau Jamaat kot fine ena la jalousie, la haine,

désaccord, kot fine ena bane split, bé la bas, le progrès même fine arrêter et c'est le déclin ki fine commencer ; zot pas fine capave contrôle zot.

C'est sa même mo pas ouler ki nous dans le Jamaat Ul Sahih Al Islam nous arrive coumsa. Mo ouler ki tous mo bane disciples vivre couma bane frères. C'est pour sa ki ou pou trouver mo prend beaucoup la peine et mo faire ene série de Khutba Jummah lors sa bane sujets là. Après ki mo fini faire ene tel Khutba, si arriver mo tanne bane choses pareil, ou conner couma sa pou donne moi beaucoup de la peine et sa pou faire moi souffert beaucoup, parceki Allah (swt) fine béni nous et fine élève nous dans sa siècle là pou faire revivre So bane l'enseignements divines, mais alors, si ena tous sa là [sa bane mauvais kitchoses là] couma nous pou donne sa bane messages divines là les autres ? Si parmi nous même ena sa bane mauvais qualités là, kot péna la paix entre nous, pé discuter, pé la guerre couma les autres, bé l'heure là, pas pou ena aucaine différence entre nous et bane les autres.

Parfois lors bane simple-simple zaffaires banales, à cause de sa, bane familles fine séparer, bane frères fine séparer avec bane sœurs. Mo guette mo propre l'exemple même, couma bane frères et sœurs séparer avec moi ; pourtant avant nous ti vivre en l'harmonie, la paix, acorité. Tous bane zaffaires concernant lors la religion, zot cherche bane conseils avec mo même. Dans bane ti programmes spirituel dans la famille, ki li ene *Daras* etc., mo même bizin causer. Azordi ki fine arriver ? Tous fine séparer avec moi, ene tel séparer kot même boycotte appliquer et pas inviter dans aucaine fonction familial et même mariage de bane nièces, neveux ki ti bien attacher avec moi couma mo bane propre zenfants. Mo pas fine coquin personne so dibien, ni personne so droit, ni mo fine la guerre tous sa là. À cause mo fine recevoir la révélation divine et kot le Khalifatul-Massih à sa l'époque là (2000-2001) prend sanction bazer lors ene fausse rapport de so ex-so-called Amir, mo fine être expulsé du *Nizam-e-Jamaat*. Sanction là pas fine prend à cause mo fine faire kit fraud dans Jamaat, ou ki mo fine déclare moi Athée etc., etc., C'est seulement parceki à cause Allah (swt) fine choisir moi et donne moi révélation, c'est tout !

À la tête du Jamaat Ahmadiyya [mainstream] ena ene Khalifa ; alors ki li fine comprend avec bane l'enseignements de Hazrat Muhammad (saws) ? Et bane Ahmadis prend li comme "*divinely-guided*" mais kan ou guette la réalité de bane situations ki fine passé et ki pé passé, kot pé piétine l'enseignement d'Allah et de

So Rassool, alors ou alle comprend ki tout sa fine commencer avec la jalousie et l'arrogance, pareil couma dans l'époque de Hazrat Adam (as), kot Ibliss manifester la jalousie [malsain] pour Hazrat Adam (as) kot par consequent li alle réagir avec arrogance avec Allah.

Alors, tous sa là c'est la jalousie ki fine amène sa, et alors guette kot le Jamaat Ahmadiyya fine aller, dans ki bassesse bane dimounes corrompu et jaloux fine entraine li – dans la boue. Maintenant li fine vine ene Jamaat sitant sec, maigri, pareil couma parfois bane dimounes vine sec avec ene malade de cancer. Donc, kan ene Jamaat li uni et souder, kot péna à la tête bane dimounes ki ena la haine, la jalousie, kot pas ena bane ki malade spirituellement, alors sa Jamaat là pou prospérer.

Ene exemple de malade spirituel, c'est ki pareil couma ene dimoune ki fine gagne diabète, bé si li pas contrôle so diabète bien et sa diabète là domine li, bé définitivement sa diabète là amène beaucoup complications dans so la santé. Coumsa même ene dimoune ki jaloux, bé sa jalousie là amène beaucoup complications dans li : La haine développer, li faire *Ghibbat* (palabres), mange la chair so frère, créer désordre pou ki les autres ena la haine pou victime ki sa jaloux là fine cibler. Donc couma Nabi kareem (saws) fine dire, ki *la jalousie brûler couma di bois sec consume du feu.*

Donc, comme le Khalifatullah sa l'époque là, c'est sa mo message pour mo bane très chers disciples, à commencer par bane ki responsable à la tête du Jamaat ki zot bizin uni et souder et zot vine comme bane frères façon ki Allah (swt) et Hazrat Muhammad (saws) envie trouve nous, bé lera mo sûr et certain ki pou ena encore ene pli grand révolution spirituelle partout kot pou ena le Jamaat Ul Sahih Al Islam, même si sa bane Mullahs là vini et faire tous zot zeffort pou faire zot [mo bane disciples] abandonne la Manifestation Divine, renonce zot croyance dans sa humble serviteur d'Allah là et quitte le Jamaat Ul Sahih Al Islam ; zot na pas pou réussi dans zot plan, dans zot complot satanique là, même zot capave servi toutes sortes stratégies, même menaces de morts, mais là aussi zot pas réussi, *Insha-Allah*. Parceki ou l'amour pour Allah et So *Deen*, ou l'amour pour So Jamaat et pour So serviteur tellement ferme et souder ki zot pou gagne beaucoup difficultés pou déracine sa et zot pas pou réussi aussi. Seulement quelques l'herbes ki zot bane racines pas enbas la terre, kot bane racines lors la terre ki facile pou déraciner.

Céki mo pé dire, bane ki zot croyance bien faible, pou pas dire ki zot croyance zéro, c'est sa bane là ki pou aller ensam-ensam avec sa bane Mullahs là, et lère zot pou faire belle déclaration jusqu'à pou mette tous zot face lors Facebook etc., ki : « *Voilà nous fine quitte la Manifestation Divine, nous fine quitte sa Jamaat là et ici, mo dans bien, pé prend moi bien compte* ». Tous sa là pou quelques jours seulement sa, et après zot fini avec ou, parceki zot objectif c'est tire ou de là, mais malheureusement kan ou laisse ou influencer par zot, ou alle perdi l'amour d'Allah, ou perdi tous bane *Néki*.

Par contre bane ki zot la foi ferme, zot pas laisse zot tenter, ni zot effrayer, et arrive céki arrive zot tout comme ene sel lécorps attrape la corde d'Allah fort et zot dire « *Non à la division, non à la haine, non à la jalousie* ». Zot uni comme bane frères spirituel sous la direction d'un père spirituel. Dans ene la case aussi, li comme sa. Dans ene famille ou dans ene Jamaat aussi li coumsa ki parfois ena bane disputes, alors sakaine montrer ki zot ena raison et l'autre là en tort.

Donc, moi mo adresse moi à bane ki dans la vérité [concernant bane situations de zot vie], bane ki ena raison, malgré ki ou en raison faire comme-ci ou en tort. Sa c'est ene remède ki certainement marcher. Si vraiment ou ena ene peu l'amour pou la Manifestation Divine, pou Allah et pou Allah So Serviteur Choisi, ou accepter en tort pou ki la paix régner. *Insha-Allah* ou pou trouve Allah (swt) même pou ouvert le chemin de la paix partout kot ou pou été et ou pou vive ou la vie en paix.

Donc, faute de temps, c'est ene sujet ki pou continuer *Insha-Allah* dans mo prochain Khutba. Ki Allah béni zot tout et aide zot pou bien comprend sa sujet bien important là. C'est ene sujet ki concerne nous la vie, et nous façon de vivre pour ene meilleur la vie familiale, et ene meilleur société temporelle [lors sa la terre là] et spirituelle. *Insha-Allah, Ameen*.